



Hardanger



Hardanger
Ungdomsråd

... med auge for framtida!

Innkalling: HARDANGER UNGDOMSRÅDSMØTE
Dato: Tysdag 07.05.2019
Stad: Telefonmøte
Tid: 18.00-20.00

HU-sak 22/19 Meldingar og saker melde ved møtestart
- Vedlegg 1: Uttale sendt til KMD gjeldande forslag til forskrift ny kommunelov

HU-sak 23/19 Oppfølging saker:

- Utsetjing Hardanger Ungdomsting 2019
- HU skal halda innlegg på Hardangerkonferansen 2019
 - diskutera innlegget
- "Letta på trykket" - temadag hausten 2019
 - Vedlegg 2: Plan for arrangementet frå Kvam

HU-sak 24/19 Gjennomgang saker melde ved møtestart

HU-sak 25/19 Informasjon om arbeid frå den einkilde
kommune/herad sine ungdomsråd i Hardanger.

Forfall må meldast:
Hardangerrådet v/Trude Lægreid Rinaldo
tlf 53 67 14 50 /489 54 550
mail: trude@hardangerraadet.no
Varamedlemmene møter etter særskild innkalling.

Kinsarvik 30.04.2019

Hardanger Ungdomsråd
Trude Lægreid Rinaldo
Konsulent Hardangerrådet/Sekretær Hardanger Ungdomsråd

Vedlegg 1:

Til

Kommunal- og moderniseringsdepartementet

mail: postmottak@kmd.dep.no

VEDR: Uttale frå Hardanger ungdomsråd til høyringa: *Forslag til forskrift om kommunale og fylkeskommunale råd for eldre, for personar med funksjonsnedsetting og for ungdom*

Hardanger ungdomsråd er eit regionråd for Hardanger, og er det første regionrådet som vart etablert i Norge.

Rådet er sett saman av leiarane (og nestleiarane) i dei 7 ungdomsråda i Hardanger.

Hardanger ungdomsråd er eit partipolitisk uavhengig organ og målet med deira arbeid er å styrkja Hardanger regionen som heilhet. Rådet fungerer som eit talerøyr for ungdom i heile Hardanger og arbeider for engasjement og fokus på saker som gjeld born og unge. Kvart år vert det arrangert Hardanger Ungdomsting, der alle rådsmedlemmene i dei 7 ungdomsråda i Hardanger møter.

Hardanger ungdomsråd meiner at det er svært positivt at ordninga med ungdomsråd (eller ei anna medverknadsordning) har blitt lovpålagt i ny kommunelov. Ungdom under 18 år kan ikkje veljast inn i kommunestyre/ heradsstyrer, og har difor heller ikkje moglegheit til å verta valt inn som representantar som kan påverka direkte i saker. Ei lovpålagt ordning sikrar at dei unge si røyst vert ein del av saksgrunnlaget og debatten før kommunestyra/ heradsstyra gjer endeleg vedtak i saker som får konsekvens for barn og unge.

Føremålet med å ha eit ungdomsråd, er at ungdom skal få moglegheit til å påverka sin eigen kvardag og sitt eige nærmiljø. Representantane i ungdomsråda får i tillegg ein auka kunnskap om dei lokale, politiske avgjersleprosessane, ved at dei sjølve får delta og uttrykkje sine meiningar. Dette er demokratiopplæring i praksis.

Val av medlemer til ungdomsråda

Hardanger ungdomsråd påpeikar at det er viktig at ungdomane får høve til å vera med på å laga retningslinjene til sine eigne ungdomsråd. I forslag til forskrift står det at det er kommunestyra/ heradsstyra som skal vedta mandatet og samansetninga av råda. Hardanger ungdomsråd ber om at det i forskrifta vert presisert under § 3 (1. ledd) at ungdomsrådet får høve til å komme med forslag til endringar når det gjeld retningslinjer og samansetning av ungdomsrådet, og at kommunestyret/ heradsstyret pliktar å handsama dette som eiga sak i sitt møte.

Rekruttering til ungdomsråda har føregått ulikt frå kommune til kommune. I somme kommunar føregår rekrutteringa med utgangspunkt i skulane, og ofte med hjelp frå elevråda på skulane. I andre kommunar skjer rekrutteringa frå ungdomsklubbar og andre organisasjonar for ungdom, eller som ein kombinasjon der representantane vert rekruttert frå både skule og organisasjonar. Hardanger ungdomsråd meiner at det bør vera opp til den enkelte kommune sjølv å avgjera kva

som er den beste løysinga for rekruttering til sitt ungdomsråd, og at dette bør koma tydeleg fram under § 3 (3. ledd) i forskrifta som omhandlar samansetning og organisering.

For dei kommunane som driv rekruttering frå skulane følgjer valperioden skuleåret. Det vil seia at skulane gjennomfører val på skulane i august/september. Dersom val av representantar til ungdomsråda først skal opp som sak i kommunestyra/ heradsstyra før ungdomsråda kan konstituera seg (velja leiar og nestleiar), er Hardanger ungdomsråd redd for at dette vil føre til ei unødvendig forseinking. Ungdomsråda vert då kanskje ikkje konstituert før i november. Dette kan medføra at ungdomsråda kjem seint i gang med arbeidet sitt. Hardanger ungdomsråd meiner difor at val av representantar til ungdomsråd ikkje treng handsamast i kommunestyra/ heradsstyra. Representasjon kan regulerast i dei vedtekne retningslinjene som gjeld for det enkelte ungdomsråd, og skulane og interesseorganisasjonane kan gjennomføra eigne val av representantar til ungdomsrådet.

Kopi: Hardangerkommunane

Eidfjord 28. mars 2019

Hardanger Ungdomsråd

Vedlegg 2

Hei!

Arrangementet er tenkt slik:

3 grupper fordelt på tidsrommet kl. 09.00- 15.00 (Her må me finne ut konkret kor mange elevar det er snakk om. Kvam herad treng hjelp til å finna ut av dette)

Skulane i Kvam representerer pulje 1 pga. kort avstand.

Arrangementet:

- Musikkinnslag ved Kvam kulturskule evt. andre lokale musikarar
- Velkomen
- Føredrag innanfor temaet psykisk helse (korleis passa inn/ meistra kvardagen) 1 føredragshaldar
- Avrunding
- Utlevering av mat i det elevane reiser heim (Iefse wraps eller baguett, vatn og liknande (sponsing?) frukt (sponsing?) Matstasjon ved utgangen
- Utlevering av brosjyrar med informasjon til ungdomane (t.d. kvar dei kan ringe dersom dei treng nokon å snakka med) ved utgangen

Kvam ungdomsråd bestemmer føredragshaldar og musikkinnslag dette pga. dei har teke på seg å vera vertskap for arrangementet. Føredraget vert arrangert i tilknytning Kvammaveko og Kvam ungdomsråd vil delta på planleggingsmøte i lag med Grannehjelpa.

Me ventar med å bestille føredragshaldar til me har fått svar på søknadane til Sparebanken og Sparebankstiftinga

Håpar at dette er i orden for dei andre.

Med venleg helsing

Kari Weltzien Vik

Administrativ rådgjevar

www.kvam.no